

مطبعه رحل اراره :

جمال اوغلنده امنیت
مندوخی جوارنده
شکول یقوشنده
۲۲ نومرو

مشرق و غرب

۱۳۲۶

سلکمه موافق آثار
جدیده مع الممنونه
قبول اولنور

درج ایدله بن آثار احاده اولنماز

دیر ، فلسفه ، علوم ، حقوق ، ادبیات تاریخ ، سیاستیاندیر و بالخاصه احوال و شئون اسیومیدیه بحث ایدر و هفته ده بر نشر اولنور .

صاحب و مؤسسلری :

در سعادتده نسخہ سی ۵۰ یاره در

ابوالعلا زین العابدین - ح . اشرف ادیب
تاریخ تأسیسی

قیرلهدن متوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

آبونه بدلی

سنه لکی	التی آیانی	غروش
عالم عثمانیه ایچون	۶۵	۳۵
روسیه	۶۰	۳۰
سائر ممالک اجنبیه	۱۷	۹

یدنجی جلد

۳ ذی القعدة ۱۳۲۹ پنجشنبه ۱۳ تشرین اول ۱۳۲۷

عدد : ۱۶۵

متکلمینه کلمه انرا وجود ک حد تعریفی ممکن اولدیشقه قائلدیرلر. وجود ک بوصورتیه تعریفی قبول ایدلایکی تقدیرده بحث، معقولاندن زیاده محسوسات، دهاطوغریسی مادیات دائر دسنه کچر. انرا دیورلرکه: هر شئی ک وجودی کندی حقیقتندن عبارتدر. حقایق اشیا ایسه متخالفدر. وجودات ثابتسه. وجود مطلق اجزای مختلفه سی دیمک اولدقارندن حقیقتاری اعتباریه کندیلرندن مرکب اولان شیئده مخالف اوله ییلیرلر. شو حالده جزؤ کله ماهیته مساواتی قیدندن متولد محذور منتفی اولور. وجود ک کسی یا خود بدیهی اولمسی بحثنه کلمه یو بحثده کی مناقشات انک مفهوم واحد مشترک اولمسی فرضیه سنه کوره در. بوندن صرف نظر اولنورسه مناقشه یه محل قالماز. چونکه وجود ک حقایق اشیا دن عبارت اولدینی فرض ایدلایکی تقدیرده او حقایقندن بعضیسنک دهاطوغریسی کافه سنک کسی اولدینی قبول ایتکده ضروری اولور. زیرا حقایق اشیا دن هیچ بری کهنه وقوف اعتباریه بدیهی دکدر. شو حالده وجود ک اجزای ده کندیسی کی بر طاقم وجوداتدن عبارتدر دیمک اولی اولور. و بویله دینلایکی صورتده ماهیته جزؤ کله مساوی اولمسی لازم کلر. زیرا وجود مفهوم ک اجزای وجود حقه صادق اولمسی صدق عرضیدر شو حالده بر شئی ک کای حقه صادق اولان بر مفهوم ک اجزای حقه صادق اولمسی مستحیل اولماقی لازم کلیر.

اجزایک اجتماعی حالده انرا اوزرینه بر امر آخر انضمام ایدر سوزینه کلمه یو سوز طوغریدر. فقط اجزای وجود اوزرینه انضمام ایدن او امر آخر مجموع ک کنا یسیدر و مجموع ک کندیسی اولمق حیثیتیه ده عین وجوددر. اگر بو مجموع اجزای وجوداتدن دکسه ترکیب. وجود ک کندیسنده تحقق ایدوب فاعل و قابلنده تحقق ایتز.

متکلمین وجود حقه کی یوقاریکی مناقشه یی یوروتدکن صکره تأیید مدعی ایچون بعضی مثالار اراد ایدورلر سده انراک بورایه نقانده بر فائده یوقدر خلاصه متکلمین یوم بحثده حکما تمیر عمومیه سیله یاد ایتدکلری اصل نظرله بر لیه رک: وجود مطلق بر مفهوم کلیدر. مفهومات کلیه ذهنده متحقق اولوب نازجه متحقق دکدر. وجود مطلق تحقق خارجیه ده موجودات غیر متناهیته ک تحقق خارجیه سیله قائمدر. یعنی وجود مطلق انرا دن بشقه بر شی دکدر. دیورلر.

ایشته شو افادادن اکلاشیلورکه وجود حقه بر چوق مناقشه ایدلکدن صکره او مناقشات ک هیئت مجموعیه سی صفرده قرار ویربور و مناقشه ایدنار دونوب دولاشوب اسکی موقعلریته یعنی مبداء مناقشه لریته رجوعه مجبور اولور.

متکلمینک اعتراف لریله ده ثابت اولدینی وجهه ذاتا وجود حقه کی تدقیقات نظریه مفهوم وجود ک مفهوم واحد مشترک اولمسی فرضیه سنه کوره در. او فرضیه دن صرف نظر ایدلایک اولورسه موجود ایله وجود ک عین شیدن عبارت اولدینی قبول ایدلایک وجود حقه کی مناقشه یه ده محل قالماز.

زیرا بحثک بوصورتیه بر شکلدن شکل دیگره انتقالی یالکمز وجود ک

موجوددن. موجود ک ده وجوددن عبارت اولمسی تکراردن بشقه بر شئی استلزام ایتز. و تعریف حدی ایله تعریفی ممکن کی کوریلان وجود ک موجوددن عبارت اولمسیله انک عکسی اولان قضیه متصل تکرار ایدلایک دیورلر حال بو که اصل بیانمسی لازم کان جهت یعنی ذات وجود. موجوده انقلابی و بو صورتیه نظرلرده بر قات دها تعینیه رار. یینه ستره مهمیت النده قالمقندن قورتیه ماز.

خلاصه وجود ایستر ذاته ایستر متعلق اولان موجوده نظراً تعریف ایدلسون ماهیتی اعتباریه نه حدی نه ده رسمی بر تعریف ایله تعریف ایدلایمز؛ ایدلسه بیله او تعریف صدره شفا ویره جک بر معنی افاده ایلایمز.

فرید

برم عقلم بزه یارارسه بزه آدم اولورز.

عمومیتله آوروپا علماء ادبا و سیاسیونی بزم اسلامری آدم اولور والرنندن ایش کلور ظنده بولنه ییلورلر. دها دوغریسی بزم آدم اولمه مزی و ایش کورمه مزی ایسته میورلر. بزه نواقص و مساویدن هر نه کوررلرسه، هان بالتردد اسلامیه اسناد ایدر چقارلر، کندیلرنده عینی حالر و دها زیاده فضائح صدور ایتسه ده تفسیر و تأویلات ایله اورتمکجه چالیشیر و مطلقاً بر توجیه وجیه بولورلر. بویسه آنلرجه بر دستور عمل اولمشدر دیه جک اولورسه ک جائز اولور. خرسیتیان علماسی و بالخاصه اسلامیت حقه تحقیقاتده بولنلررق اولدقجه کسب وقوف ایتدم ظنده بولنلرندن اکثری دیانت اسلامیه ده تعرض اولنه جق بر شی بوله مدقارندن، بالعکس بر چوق فضائل مشاهده ایدرک، کور کورینه انکار ایتدکن صیقله مشلرده «اساس اسلامیت خرسیتیانلقدن، مأخوذدر، حضرت محمد (عم) اسلامیتی قبل النبوة بر راهب نصرانییدن تلقی ایتدی» کی سوزلر دخی سویله مشلردر.

یعنی حق و حقیقتی هیچ بر وقت دوغریدن دوغری اعتراف ایتک ایسته میورلر. حتی نو کره طرابلس غرب مسئله سی میدانه چیقار چیقماز آوروپا مطبوعاتنده تورکیه احوالندن بحث ایتدکلری صیره ده، اکثری تورک کلمه یی پرئنده مسلمان کلمه سی استعمال ایدرک، بمضاده ایکی کلمه یی چیزکی ایله (تورک - مسلمان) برلشیدر هرک قوللانیور، طرابلس غرب مسئله سیله مخلوط، له و علیه مزده بر چوق شیلر یازیورلردی. روس مطبوعاتنده هفتلق ژورناللردن بری، تورک - مسلمانلرک عدم استعدادندن بحث ایتدیکی صیره ده، سوزی اون تموز و اوتوز بر مارت انقلابلریته نقل ایدرک دیورلر که:

«بوانقلاب فی الحقیقه فوق العاده بر موفقیت و مهارتی حائز و جالب»

بعض سیاستورن دوسلرمزه مراجعت ایتیمزه کوهه لم دییه یلورلر . بنده آذره بوجه آتی ایکی مثال کوسه ترمکله اکتفا ایدرم .

زبون — روس محاربه سنده روسلر کندیلرنی ژاپونلردن قات قات قوتلی ظن ایدرلردی ، حتی قوروباتکین قوماندان تعیین اولندینی زمان پترسبورغدن مفارقت ائتمسده اداره اقداح اولنورکن احباسندن برینه خطاباً :

— میقادویه صلح مقاوله نامه سنی توکیده ایضا ایتدیره جکمه ایتیم برکالدر . « طرزنده سوزلر صرف ایتشدی .

بو آدمک پترسبورغدن حین مفارقتنده معیتده متعدد کلیسایلر طرفدن کندیینه ترفیق اولمش اک مقدس (ایقونه) تصاویردن یوزلرجه صورت بولنیوردی . و اثناء راهده اوقات مخصوصه سینه بولردن استمداد ایدردی . و دیردی که « بنم بوتون اعتماد بولره در . » آمیرال مقاروف دخی اقصای شرق فیلسوفه تعیین اولندینی کونک فرداسی « کرانشاد » ده مشهور پاپاس ایوان حضورینه کیتشدی . مومی الیه پاپاس جنابلری مقاروفی اون دیرت سینه مدت ایله روحانی سیغورطه ایدرک حیاتی تأمین ایتمش ، و معیتده آبروجه مقدس بر صورت ترفیق ایدرک ، بوضورت مقاروفک معیتده بولندچه کندیینه دشمن مقاومت ایدمه جکنی آبروجه توصیه ایتشدی .

شیمیدیه کوزیمزک اوکنده ، ایتالیا کندیینه بزه نسبتله هیچ شهسز قات قات قوتلی کوریوردی و بالخاصه دوناماسنه اعتمادی برکالدی . مع مافیله دونامانک اک بیوک قوتی کیلرک سنجاق دیرکارینه آصمق اوزره پایا طرفدن کوندرلمش مقس تسبیح لر عد اولنورق ، بیوک اعتماد ایله غزتلرنده یازلمش اولدیغنی روس مطبوعاتیده اقتباس ایدیوردی .

شوخالده بزمده نردرجه معنویاته اعتماد ایتمه من ایجاب ایدر . تیمورلک دیمش که « محاربه ایچون اون شی لازم : بری سپاهی ، طوقوزی تدبیر » بن عاجزانه دیمک ایسترم که : بزم ایچون مایوسیت یاقشمز . ذلت و مسکنت ایسه هیچ یاقشمز .

بعض بیوک دیپلوماتلرمن ، داهیلرمن میدانده موجود ایکن ، فکرلرندن بالاستفاده متوکلاً علی الله روحانیت پیغمبریدن استمداد ایدرک بوتون موجودیتهمز ایله مقاومت ایتهمز ، بوراده بزم حصه مزه ذاتاً صبر و تحمل دن بشقه برشی دوشمیز . لدی الایجاب آچلنی دخی التزام ایدرز .

طرابلس غرب و افریقاده بولنان قرددشایر مزده فعلاً مقاومت ایدرک اوج بش آی نهایت سکیز آی محاربه بی دوام ایتدیره بیلورسه ک امین اولهلم ایتالیا اولیای اموری طرابلس غربده دکل روماده نصل بارینه بیله جکارنی دوشونمکه مجبور اوله جقلری کبی ، آوروپالی دوستلرمزده اوزمان بزم کشکوللرمزی آرامغه جیقارلرده بوله مزله بزده او زمان بر آز کوزلرمزی آچه جق اولورسه ق ، آنلرک اوز

« دقت در ، تواریخده نظیری بولنه من ، فقط بونک دخی ساسنی » « ماکدونیهاده اصلاحات و ژاندارمه وظیفه سته تعیین اولمش آوروپالیر » « قورمشدر ، یوقسه تورک مسامانلرک فکرندن طوغمش برشی دکلدر . » بر آدم اورتالقهده کونش یوقدر دیرسه ، بوکا مقابل انسان نه دییه یلور ؟

بز انجق دییه یلورزکه : فرصت بوفرستدر ، هر نه سویلرسه کز حقکز وار ، بوتون عالم نظرنده مقبول و معتبر اولان قانونلری چکنمکده اصلاً تردد ایتیموده بالاخره یه محاکم مدنیت تعبیر ایتدیرکی محافلهده حقلی کورولور و تقدیر اولنورلرسه ، کیم نه دییه یلور ؟ مع مافیله کیزلیجه قولالرینه سویله یه ییلورزکه :

« کیجه نک قرانلنی نه قدر دوام ایدرسه ایتسون صباحک اوله جنی محقق در ، بر کون کلور حق یرینی بولور . »

خرستیان علماسنده حقیقه قارشى عجیب بر احوال روحیه وار . هیچ بر وقت حق اعتراف ایتک ایسته مزله . بو حال عادتاً کندییلرنده بر طبیعت اولمشدر . حتی بونلر میاننده کندینی تورک محبی ظن ایدنلر دخی تورک اقوامی مدح ایدجکی صیرهده :

« تورکار افراد اعتباریه برررر غایت کوزل آدملردر ، فقط » « مجموع اعتباریه وادره مسکت نقطه نظرندن طوکمش ، بولمش ، » « بتمش بر ملت در ، بونلر مملکت اداره ایدر مزله . عالم مدنیتک سلامتی ایچون بونلری اورتالقدن قالدیرمق لازمدر »

دیمکدن ده ذره قدر چکنمزلر . دها بر آز توضیح ایدرک اولورساق بونلرک بزه اک محب اولنلری بزه قارشى دوعریدن دوعری یوزیمز ییرتمق ایسته مزله . دیگر طرفندن ده کندی دسائس منفعت کاریلرنده قطعاً اهل ایتملر . هیچ شبهه یوقدر که مسئله حاضرده آلمانیا ایمپراطوری عین وضعیتده بولنیور و بولنماقده لندن کلز .

شیمیدی حقیقت حال بویه ایکن بزم امناء ملتیزک کیجه کوندوز قوشهرق ، کشکول بدست سفارتخانه قاپولرینی چالمرلی ، و آلمره قارشى بر خیر امید ایدرجه سینه چوزیلرک اختیار تذلل ایتملری ، ظن ایدرزه فضله بر ساده دللکدر .

اکر دوستلق کوسترملک ایسته نیرسه دولتلرک یکدیگرینه اولان دوسلرملقاری « بزم شیمیدیلک بینمزهده یکدیگر مزه مقابل عوعوه من یوقدر » دیمک قدری در . یوقسه اورتالقهده بو قوتلر موجود ایکن هیچ بر دولت دیگرینه مقابل صمیمی دوست ظنیله غافل بولنمیز . جزئی غفلات ایتدیکی کبی بوتون منافعی خللدار اولور .

بزم اولیاء امور مزایسه — آه ، آه ! دوستلق دیر ، هپ فدا ایدر . (دیپلومات) کله س — نک مناسی کلاً خاطرندن چیقار . بوده بزده پک اسکی بر عات در ، شابقه یه برستمشک نتیجه سی اوله رق عادتاً بر خسته لق اولمش .

ظن ایدرم اک بیوک دیپلوماتلرمن دخی وجدانلرینه مراجعت ایدرلرسه ، شابقه قارشوسنده پک س — اده دلانه بولندقلرینی اعتراف ایدرلر

کشکول لایحه قایتولاسیونلری طویلیروب آوندیره بیلورز . بوده
غایت بسیط برشیدر . بونک ایچون بزه ، یالکیز بزم عقللر ایله ایش
کورمک ایجاب ایدر . یوقسه سفارت ترجا نلرندن ، میستر ستیت دن ،
بیلمه کیمدن عقل طویلایه حق اولورسه ق آرتق اولوب اولاجیمز
» ایرکن اولیان کچ اولماز . کچ اولیان ده هیچ اولماز « مصالنه ، صداق
اولمقدر .

شیءدی آرتق تجربه اولندیسه اولندی بزه ، زم عتلمز ایله
ایش کورمک زمانی کلدیسه کلدی . بو ، بودر . والسلام .

عبدالرشید ابراهیم

رمضه صوم :

طرابلس ساحلنده بر عثمانلی

« ده کوزه قارشو »

ینه بر آتش غیظم ، آچیلنجه بصرم
شعله برق اولیور حزمه نور نظرم ؛
پاره اخکیره دونسه داغیلوب ذره لرم
خصمه دکیه جک دانه کمر شررم !

چکیل ابحار اوکدن ، وارا یم اغیاره ،
دو نهمسین قطره لک ابحره زخاره !

« متفکر »

بر طرفده قوجه بر اوردو ده کزله محبوس ؛
صول اوستنده کرید بوینی بوکش مایوس ؛
مصره ، هنده ، فاسه ، ایرانه قول آتمش کابوس ؛
ای ضعیفلرده قالان حق ، مدنیت ، ناموس ! ...
دالغهلر ، خنده نفرین بو یانان روزگار ،
یول آچیک ، سهله قهر ایندیره یم خونخواره !

...

مدنیت می؟ ... دینیت ، بو قودوز طغیانلر ،

ای دیشی ، پنجه سی روحنده نهفته قاپلان !

دو کدیک حق قانیدر که سیله من عمانلر ؛

آق ده کز وحشتکه طالغهلریله برهان !

دالغهلر که ایدر ایصال پیام ادراره ،

چیزی یور قاجمه کی ناصیه ابحاره !

« غضوب »

شرق آفاقه باق ، ای متهور جانوار !

بیله یریم بارلا دیور کینمی ، کوک هایقیریور ؛

بوش بولوب آق ده کزی ، کندیکی صانما قهار ،

بر آدیم آت قاره یه ، کور : کیم ایش ، کیم مقهور ؟

یوق ایسه آلدن تفنکم ، قلام بی چاره ،
سو کرم قلبی ! قالقان طوتارم همواره !

...

قیایچک برق شرربار ایسه جسمم آهن ؛

رعد صتیکسه سکوتم غضب رعب شکن ؛

قورشونک اولسه شهابپاره ، طوپک سیاره ،

قلب پولادمه اصلا اولماز رعشه فکن !

صولتکله وطم دونساده آتشنزاره !

سوندورور خوانم ایله ، بکزه دیرم گلزاره !

« سباه نظره کنان »

قیزار ، ای وجه ، بیا ، وجه تر علیین ،

آلتی بیک ییلدر آقان دملرک عکسبیه قیزار !

بو قیزیل قطره لری کورملیدر لمج نظر ؛

رخ صافکده برر نقطه ذل ! قرحه شین !

نه طورور بر قلمک ، رعسلرک آواره ؟

کورله ، این خنده لغت کسیلوب یکپاره

« آرقه یه باقار »

روزگارلر ، ای آسن نفخه دواره حار !

کلیور دوشمانکیز ، ایشته ، اولک آتشار ؛

ای یورور کوهلر ، ای توده ریک سیار !

چکیکیز پیشنه بر سلسله اخکرزار ؛

فیرلاییک مرمی نیران اوله رق اغیاره ،

بکزه سین بادیلر مزهره خونزاره !

« متفکر »

یادمه کلسه نهدم نام « ایتالیان » لرزان ،

عمق روحده اولور غیظ و غضب رعد افشان ؛

هر قیلدن آجیلوب قیرمزی بر فواره ،

چیقمق ایستر کبی شدتله قانم پر غلیان ...

ای ایتالیا ، بکا آچدک ابدی بر یاره ،

اونی انسال مسلسل کلیور اظهاره ! ...

— ۱ تشرین اول ۱۳۲۷ —

ف . ساجد

یاغموردن صو کرا

بیقاندی بحر وسما ... صوک رشاشه رحمت

کچوب کیدنجه بولوطلر طاغلدی ، جو کبود

پر انبساط ایدوب اظهار چهره صفوت

بتون خلوت روحیه اولدی خنده نمود .